


古今尺牘大觀
下編十二



中 華 書 局 發 行

新 遊 記 彙 刊



洋 裝 八 冊 價 銀 三 元

本書編次。依現行行政區域爲標準。分京兆、直隸、奉天、吉林、黑龍江、山東、河南、山西、江蘇、安徽、江西、福建、浙江、湖北、湖南、陝西、甘肅、新疆、四川、廣東、廣西、雲南、貴州、熱河、蒙古、西藏、二十六門。有經過數省。而詳於途中之記述者。另開長途二門。以納之。全書於記述名勝之外。凡關於歷史、交通、實業、教育、礦產、動植物、風俗等。靡不詳載。作者均當代名人。文筆條達。紀錄翔實。且對於各地之舟車里程。食宿匯兌等項。亦均詳述。遊歷者。既可藉作指南。閒居之時。人手一編。不啻親歷其境。可作臥遊。誠一舉而數善備焉。

教科

自修

適用

五朝文簡編

▲全二十八冊——定價六元六角——各編均可分售▼

唐有文粹；宋有文鑑；南宋有文範；元有文類；明有文在；清有文錄；皆集一代之文之大成。顧全編繁重，坊間既難猝購，而並蓄兼收，不適用者，居其多數。本編爲便於誦讀計，專取有用之文，約得十之三四，仍其舊名，而別之曰簡編，一嚮之嘗，可概全鼎之味，學校教授，家庭自修，欲知文之源流體格者，得此事半功倍。

唐文粹簡編

六冊

一元四角

宋文鑑簡編

六冊

一元三角

南宋文範簡編

四冊

一元

元文類簡編

二冊

五角

明文在簡編

四冊

一元

清朝文錄簡編

六冊

一元四角

古今尺牘大觀下編

第十二冊

目錄

敘事類

稱頌

清曹溶與杜于皇書

清張九徵與王阮亭書

清姚文然寄相國金息齋年執書

清孔尚任與友人書

清吳綺與雲間太守魯謙庵書

清屈大均復汪子鼎書

清胡周鼎與趙振公書

清彭而述答王大愚書

清沙張白與給公書

清趙士麟復江侍御書

清胡浚代庶常上徐蝶園相國啟

清孫光祀入館候前輩書

清孫枝蔚與王貽上書

清紀昀與朝鮮洪薰谷書

清黃永年與陳撫軍書

清秦瀛與齊次風書

清法式善復王穀隆進士論仕書

清陳夢元上茶陵彭太老師啟

清李兆洛與姚石甫書

清羅萱與鄧彌之昆仲書

清朱文翰復舅氏孔巽軒先生書

清袁翼與施樸齋書

清李元度與劉毅齋書

清錢振倫答黃鶴樓明經書

清吳存義寄沈秋鄰昆季書

清張培仁報曾劼剛主政書

清陶模上顧訪溪先生書

激勵

清魏祥與某狀元書

清魏祥與皇甫君書

清顧有孝與吳漢槎書

清陳世銘與劉明東書

清徐金誥與族姪書

清尹耕雲致張朗齋翼長書

清李鴻章致朝鮮國王書

清吳汝綸答廉惠卿書

諷勸

清董以寧答陳其年書

清王士禛與林鐵崖書

清萬世隆與姚若侯總憲論廉頑書

清吳偉業致雲間同社諸子書

清儲方慶答張敦若書

清李以爲與程石門書

清宋在詩復商南令郭子書

清李宗傳病說示景枚

清魏象樞與秦尾仙學使書

清陳廷敬與汪鈍翁書

清黎士弘復官公壁書

清呂陽啟李生石險堂

清柯聶致李笠翁書

清章藻功寄侍御嚴燧菴書

清嚴虞惇與沈位山書

清徐文駒與門下士書

清湯斌與李襄水書

清胡天游貽侍御史王公書

清陸奎勛寄燦真兄書

清陳黃中與王次山書

清沈德潛上大宗伯楊公書

清王曇報工侍吳先生書

清全祖望與厲樊榭勸應制科書

清彭紹升與汪大紳書

清韓夢周復魯絮非書

清劉嗣綰與張臯聞書

清汪中與朱武曹書

清陸繼輅與友人書

清吳士模與左仲甫書

清李兆洛答程鶴舫中堂書

清嚴可均答徐星伯同年書

清孫原湘與張子和書

清陳斌與華亭姚春木書

清梅曾亮上方尚書書

清倭仁致曾濂生書

清黃金臺覆秀水于秋涇書

清吳昆田致杏農書

清李宗義上嚴渭春中丞論用人處事書

清沈兆霖與虞式谿論長齋書

清趙銘上薛慰農夫子書

清朱一新復樓芸臬大令書

古今尺牘大觀下編

第十二冊

鍾毓龍

杭縣

朱用賓

纂輯

敘事類

稱頌

清曹溶與杜于皇書

文章家弟近又得一人焉。爲西江魏叔子。其識見議論足與于皇相上下。弟惟見其論古諸篇。於他體未概覩。然相其筆勢。必能者也。弟所以深服二子者。良以一時風氣言古文者滿天下。其率臆妄作。放手野戰。自以爲過於古人者。旣在不知文之列。可以不論。而一二泥古之士。自矜合作者。又如書家臨摹一種。點畫畢肖。然離乎古人之跡。自作數字。便不成書。則亦可謂不善學者矣。獨于皇與叔子旣

優入古人之域。在規矩法度之中。無一字妄作。而又能脫略形迹。擺落格套。如書家得古之神。而能自爲書。以妙天下。而傳後世。是乃可貴耳。何日枉訪商量。盡發秘藏。以問剗。實弟志也。

清張九徵與王阮亭書

三。日。夕。讀。大。篇。幾。成。不。寐。淳。于。之。歎。子。建。李。密。之。遇。秦。王。氣。奪。神。移。莫。知。所。以。竊。怪。諸。名。士。序。言。猶。舉。歷。下。瑯。琊。公。安。竟。陵。爲。重。夫。歷。下。諸。公。分。代。立。疆。矜。格。矜。調。皆。後。天。事。也。明。公。御。風。以。行。飛。騰。縹。緲。身。在。五。城。十。二。樓。猶。復。與。人。間。較。高。深。乎。譬。之。絳。灌。隨。陸。非。不。各。足。英。分。對。留。侯。則。成。僧。父。嵇。鍛。阮。酒。非。不。骨。帶。烟。霞。對。蘇。門。先。生。則。成。笨。伯。留。仙。之。裙。霓。裳。之。舞。非。不。絕。代。對。洛。神。之。驚。鴻。游。龍。則。掩。面。而。泣。屋。漏。之。痕。古。釵。之。脚。非。不。名。世。對。右。軍。之。鸞。翔。鳳。翥。則。臥。被。不。敢。與。爭。然。則。明。公。之。獨。絕。者。先。天。也。弟。知。其。然。而。不。能。言。其。然。杜。陵。云。自。是。君。身。有。仙。骨。世。人。那。得。知。其。故。此。十。四。字。足。以。序。大。集。矣。自。題。丙。申。一。篇。全。身。寫。照。脾。睨。前。人。公。安。滑。

稽而不典。弇州工麗而不遠。竟陵取材時文。競新方語。既寒以瘦。亦俗而輕。何有於諸聲麗則乎。明公徵言。獨有千古諸名士。猶囿七里霧中耳。京口題名壁上。七則造語似酈道元。而逸氣仍屬青蓮弟。欲歸分嵌各山麓中。老公祖世傳墨妙。肯以大襍紙揮灑。使與貞白蘇米分主諸山乎。

清姚文然寄相國金息齋年執書

每念老年伯功成黃閣。蹤紹赤松。十賚頻勤。繼山中之宰相。五衰不及作平地之神仙。袍笏堆床。玉蘭繞膝。雙扉扃闌闔之間。一棹寄湖山之外。集散鷄林。漸捐文字。爲有相。丹分麟脯。猶薄海山。而不歸栖心最上之乘。深參末後之句。紫玉山中。徒慙客作。黃蘗座下。獨探圓珠。擬之載籍。邈焉寡儔。況在近今。誰爲倫匹。然久睽德範。每切瞻馳。輒以吳會扁舟。得拜至人函丈。蒙不鄙而賜以晤談。兼惠然而錫之宴勞。上尊異茗。非薄劣所能堪。高閣曲房。煩招携而畢至。飲食誨言。真不啻乎猶子。徵歌引滿。似反健於當年。喜慰踰涯。感佩何極。所憾一尊纔侍。二豎頻侵。屏

處荒園。綿延兩月。遂使千餘里瞻依之。惘。十三年企慕之懷。咫尺而不能奮飛。聚晤而旋成契闊。自愧蒲柳之早衰。彌羨松柏之難老。山川雖隔。寤寐彌縈。今因一介之行。肅布雙魚之寄。銘鐫無量。非楮墨所能宣。瞻仰徒殷。與斗山而並遠。附將芹脩。並冀慈存。

清孔尙任與友人書

春樹暮雲。備極懸切。前聞買花揚州。今知結夏西湖。到處有逢迎。省卻腰纏之累。令人望跨下鶴。亦生健羨矣。吾里滄桑。雖更劫灰未淨。何不及早束裝。來看蟻鬪。弟一室深山。雖不及扁舟漁父。棋傍爛柯人。庶幾似之比。聞六橋煙月。盡沒風沙。得名士一洗滌。如夷光重歸。少伯悲喜交集。有不可勝語者。靈隱峰頭蒼苔。應已題徧。倘命小吏錄寄千里。故人庶了然於雲深之處矣。弟近況支離可笑。盡典負郭田。納一國子生。倒行逆施。不足爲外人道。然亦無可告語者。瑣瑣塞紙。遙博開緘。一胡盧耳。臨池不勝神越。

清吳綺與雲間太守魯謙庵書

偶返故鄉。翻同作客。欲歸舊旅。復歎無家。坐此遷延。徒深懷想。乃隆情遠被。一寒猶念故人。而古道維殷。數問未忘孤子。聞而隕涕。念之撫膺。蓋小壻自舍人易簣以來。迨尙書捐館而後。斜陽燕子。華屋委之他人。往日鰥魚。遺經歸於別姓。長兄視如陌路。分產豈有薛包。嫡母棄之異鄉。舖乳初無李善。童子不因人熱。笑塵甑何以炊。越公空有家風。鮮故書之可讀。苟非假之鉅力。必致誤其俊才。何期我公念及故交。迨茲遺胤。助隱之以牽犬。既遂其室家之情。效楊寶以飼禽。又許以羽毛之助。鬼神不遠。共鑒斯言。天地何時。獲聞此舉。真可挽江河於既下。薄雲日而重光者矣。蓋人事日非。視榮枯而爲厚薄。交情不古。因貴賤以爲盛衰。公子不朝。頻見諸賓之散。將軍既免。寧辭醉尉之呵。彈鋏無魚。其何求於涸轍。銜環有雀。已更集於高枝。杜子美歎乞食以無從。陶靖節嗟扣門而已拙。輕薄何堪。以洗眼炎涼。每至於傷心。而況彥昇既沒。猶憐衣葛之兒。叔敖不存。尙念負薪之子也哉。用

是效長平之步擔。仰元禮以登門。出彼泥塗。固本由於盛意。假之溫燠。復何待於鄙言。

清屈大均復汪于鼎書

去秋惠書。僕適在晴川黃鶴之間。不獲長跪祇受。海隅曲學。天末狂才。未審賢兄弟何以存注稠疊若此。僕生平立命在同人之卦。巾車所至。輒爲賢士大夫所敬愛。然未能如同人之君子。以道通天下之志。合乎中正。區區詩歌末藝。童子雕蟲。豈足以當聖賢之大業哉。卽以詩論。若足下見贈篇章。高華逸秀。才氣直逼青蓮。僕三十年來學之。未至足下。駸駸已至。僕欲爭勝足下。行當以大師克之。往者關中李天生。嘗以偏軍待江南人。比見僕登華百韻長篇。始驚歎以爲山東大敵。足下將來亦僕之晉楚。可以狎主齊盟者也。僕何幸而得並驅中原。使人稱之爲文。中二霸也哉。

清胡周鼎與趙振公書

讀足下之詩。發函伸紙。朗若披霄。李白霞舉之風。相如凌雲之氣。曠代仰追。軒軒不墮。足下旣早照圭璋。跨觀天路。遭逢景運。抒吐英芳。與輶旗貴客。車馬大賓。詠寶刀。銘長鋏。千英萬傑。推讓俊才。而翩躚。樽俎之側。覃懷綢圖之內。論古則九品在心。思賢則三秋入賦。玉琴高張。新詞手掣。且驅馬京宛。浮櫂江淮。東眺海岱。南望瀟湘。旣入目而登心。輒抽毫而染翰。其風徽雅。尙以視鄴苑清吟。蘭亭觴詠。又何讓焉。山林之士。折芰燔枯。妄謂詩之爲道。窮愁乃工。晚晚乃進。睹茲英華。境會之交。全者猶玄圃積玉。炎洲聚桂。不自知其窮涯。而追歎爲神仙之域矣。

清彭而述答王大愚書

自君家文安公沒後。茫茫海內。而述遂無一知己。頽唐縱酒。生意都盡。除夕之夜。接洛下來書。令人歎文安不死。虞仲翔有言。天下有一人知己。可以不恨。不謂北海亦復知世間有劉備耶。大愚集允矣。大家有才如海。暢所欲言。讀賦騷樂府古體近體詩。雄古奇奧。奔放幽逸。遠駕漢魏。近逼三唐。尖側廉纖。一毫不以犯其筆。

端獨成。噲。呖。之。響。四。海。雖。廣。指。不。多。屈。也。傳。奇。如。武。帝。帳。中。見。美。人。能。令。死。者。復。
生。又。如。楊。廣。上。已。遊。西。苑。杜。寶。撰。水。飾。圖。經。人。物。自。動。鐘。磬。爭。瑟。自。能。成。音。徐。渭。
盧。柟。拜。下。風。桐。城。荆。溪。餘。子。直。楚。儉。耳。鄙。諺。云。奴。見。大。家。心。死。然。歟。否。歟。前。兒。輩。
自。宏。農。來。爲。言。大。愚。瑋。瑰。拓。落。酷。似。文。安。公。令。入。無。復。優。孟。果。不。誣。哉。何。時。跨。馬。
東。周。一。如。河。朔。故。事。不。陳。思。奪。邯。鄲。生。之。席。則。虬。髯。之。遇。太。原。謹。避。之。耳。一。詩。附。
函。不。盡。觀。縷。

清沙張白與蛤公書

昏黑抵寓。盥水呼燭。疾讀大集一過。擊節叫絕。歡喜欲狂。是夕忽識一當代真詩。
人。忽添一生平慶快好友。卽麟洲相遇以來。所過從酬唱之蛤公也。公詩峭拔高。
寒。蒼勁靈脫。字字從靜悟出。交梨火棗棄等嚼蠟。豈數人間煙火乎。嗟乎定峯之。
不足以盡蛤菴。有如是詩。而況其他者哉。僭爲痛加刪削。或改竄字句。三毫添頗。
政復炯炯。閱罷捲簾。月輪正午。覺其光明有異於舊徘徊月下。讀而喜喜而又讀。

不知爲蛤菴之詩爲定峯之詩抑爲千百世靈心慧眼者所共有共證之詩也公
生長楚湘而不食楚人之狂藥可稱衆醉獨醒然嘗語我欲乘南歸之便裹糧攜
筇訪某某者而與之論詩嘻此又出楚人下者草鞋錢安在不若沽酒招定峯一
聽醉後狂言便足千古不須辛苦踏伊蓬徑也謂予不信請爲子歌歌曰泉流馥
以清山骨瘦而堅誰能攝二妙一一歸詩篇詩壇近日殊草草短歌吾愛蛤公好
裂開皎月星辰愁唱散浮雲天地老何時無着依天親茅亭如笠坐兩人朗誦公
詩值我醉一聲驚醒萬山睡

清趙士麟復江侍御書

昔之具大略者艱則投之鉅則負之恢恢乎灼灼乎任國家之重而聲色不動咸
底於乂安若責之以鹽米之能則非所受矣然孔子相魯三月大治此豈可以尋
常意見度之耶而委吏乘田不聞薄之則是人未有瑣屑之事不辨而可以語全
量者也若神龍然可飛可潛可小可大變化不一其端而升騰莫測其用斯乃異

於凡鱗爾足下具非常之材曩治邑邑化今列諫諫顯茲又藉視津門祛弊除苛裕商惠民甫下車而頌作焉固已籠罩羣倫矣顧撫謙若是耶咫尺臺端天厓如隔尤幸烟波可接素心

清胡浚代庶常上徐蝶園相國啟

伏以九重贊化紫衣高八柱之勳一氣調元黃閣重三垣之望協平成於上下和伊鼎而布商霖賡喜起於鬢軒補堯天而浴舜日象五慊御騶之至願在三爻詩鳳之輝儀道喜承尊情殷睨步恭惟某官業佐垂衣功參提羽彤庭密勿周太保總羣輔者萬二千人綠緌從容唐令公歷中書者二十四考始從探杏早掇巍科旋自燃藜屢擾清秩樹看溫室筆橐甘泉精思則玉算虬壺博物則珠疏龍館侍雕几而揚謨數典非唐虞之道不陳掌石渠而紀月編年詎遷固之書足擬況乃出膺節鉞入寄聰明俱惟亮我天功尤足昭其大業油幢雲擁雨連青篴春江講院松深經賜紅璃寶軸開王佐聖業是龍圖激濁揚清儲惟麥甕受司空而平土